



Här Claude Wiseler
Präsident vun der Chamber

Lëtzebuerg, den 16. Abrëll 2026

Här Präsident,

sou wéi den Artikel 80 vum Chambersreglement et virgesäit, bieden mir lech, dës parlamentaresch Fro un d'Madamm Ministesch fir Landwirtschaft, Ernährung a Wäibau weiderzeleeden.

Déi staark Hausse vun den Energie- a Pétrolspräisser trëfft d'Lëtzebuenger Landwirtschaft an enger besonnesch sensibeler Phas. Aktuell ass d'Period an där d'Felder preparéiert, gedüngt a geplout ginn, wat mat engem héije Verbrauch un Agrardiesel verbonnen ass. Déi aktuell Präisentwécklung huet domat en direkten Impakt op d'Käschtestruktur an d'Rentabilitéit vun de landwirtschaftleche Betriber.

A Frankräich gouf eng Exoneratioun vun den Accisen op de „gazole non routier“ agefouert. An der Belsch gouf decidéiert, zousätzlech Steiererrecetten aus der Hausse vun den Energiepräisser a Form vu geziilten Hëllefem un déi betrafte Secteuren zeréckzeginn. Den iresche Landwirtschaftsministère ënnerstëtzt seng Baueren a Fëscher mat engem Hëllefprogramm am Wäert vun 100 Milliounen Euro.

Während an anere Länner also konkret Moosname geholl goufen, stoung an der Lëtzebuenger Dagespress: *“Momentan hat das Landwirtschaftsministerium in Luxembourg keine Entlastungsmaßnahmen für Agrardiesel/Landwirte geplant.”*¹

An deem Kontext géinge mir der Madamm Ministesch folgend Froe stellen:

- Kann d'Madamm Ministesch erklären, wisou si trotz der aktueller Präisentwécklung kuerzfristeg keng Moosname virgesäit, fir d'Baueren am Kontext vun den héije Pétrolspräisser z'entlaaschten?
- Wéi steet d'Madame Ministesch zu enger temporärer Steiererliichterung oder zu anere Forme vu Kompensatioun fir Agrardiesel zu Lëtzebuerg, analog zu de Mesuren a Frankräich?
- Wéi schätzt d'Regierung den Impakt vun den rezente Präiserhéijungen op d'Rentabilitéit vun de landwirtschaftleche Betriber zu Lëtzebuerg an?

Mat déiwem Respekt

Claire Delcourt
Deputéiert

Ben Polidori
Deputéierten

¹ Meng, Marco. (14.04.2026). “Der hohe Dieselpreis macht den Bauern zu schaffen.” *Luxemburger Wort*.